

A R R A G O N I A.

Equestrium, & Civicorum five municipatium: anno demum CIOCCC quartus Ecclesiasticus accessit. Hos quatuor Ordines, vulgo *Los quatro Braços del Reyno* vocant. Evocantur per literas, quas appellant *Cartas de Lamiento*. Non possunt autem ultra quadraginta dies differri. Præterea in singulis civitatibus & oppidis per ipsum Regem *Iustitiæ* constituuntur, qui de causis habitantium in illis civitatibus & oppidis atque eorum terminis, cognoscant & judicent. In quibusdam autem locis sunt Iudices, in quibusdam *Alcaldes*. In singulis item locis Officiales à Rege constituuntur, quorum alii *Zavalmedine*, id est, Vice-domini civitatum dicuntur; alii *Bajulii*; alii *Meribni*; qui omnes & compulsionem facere, & mandata Regis & sententias iudicum executioni mandare & pignora capere tenentur, secundum juris formam.

Apud eosdem Arragones olim qualitates & status hominum variis nominibus discernebantur. Nam alii dicebantur *Rici* homines, qui inter optimates genere & nobilitate anteibant, principemque in republica obtinebant auctoritatem & locum: qui & Barones fuerunt vocati: licet antiquitus etiam Duces & Marchiones & Comites hoc nomine censerentur. Eorum au-

tem quondam tanta dignitas & potestas fuit, ut Regiæ penè par esset. Duplicesque olim fuerunt, de *Natura*, & de *Mesnada*; quorum illi profapiæ antiquitate præcellebant. *Rici* homines de *Natura*, quasi majorum gentium patricii apud Historicos celebrantur; *Cornelii*, *Lunæ*, *Azagræ*, *Vrreæ*, *Alagonii*, *Romei*, *Focii*, *Enleazæ*, *Lizanæ*. *Rici* homines de *Mesnada*, quasi minorum gentium patricii, hi commemorantur; *Verguæ*, *Mazæ* *Tramacetii*, *Atro-Sillii*, *Antillionii*, *Ortizii*, *Atorellæ*, *Ataresii*, alique.

Qui ordinem Ecclesiasticum Arragoniæ constituant, hi sunt: Archiepiscopus Cæsaraugustanus: Hujus suffraganei sunt, Episcopus Oscensis, vulgo *Huesca*: Episcopus Iaccensis, vulgo *Iacca*: Episcopus Turiasensis, vulgo *Tarazona*: Episcopus Barbastrensis, vulgo *Barbastro*.

Archiepiscopus Tarraconensis: Illius suffraganei sunt: Episcopus Barcinonensis, Episcopus Gerundensis, vulgo *Girona*, Episcopus Ilerdensis, vulgo *Lerida*. Episcopus Helenensis, sive Elnensis, Episcopus Vicensis, vulgo *Vich*, Episcopus Celsensis, vulgo *Solsona*. Episcopus Vrgellensis, Episcopus Dertusanus, vulgo *Tortosa*, Episcopus Tervel, Episcopus Albarrazin.

Ordo Ecclesiasticus.

Reges Arragoniæ.

Primus Arragonum Rex omnium calculis numeratur Ranimirus, anno 1018, regnavit annos 40.

2 Sanctius 1058, regnavit an. 36, qui & Navarra Rex fuit.

3 Petrus, qui & Navarra, 1094. regnavit annos 14.

4 Alphonfus, Petri frater, 1108. an. 18.

5 Ramirus, Alphonfi frater, 1126. an. 19.

6 Raimundus Berengarius Comes Barcinonensis, 1145, jure conjugis Petronellæ, in Arragonia regnavit an. 32.

7 Alphonfus II, Raimundi F. 1169, regnavit an. 34.

8 Petrus II, Alphonfi, F. 1203. an. 10.

9 Iacobus, 1213, an. 62, mens. 9. Hic Baleares Insulas & Regnum Valenciae & Murtiæ à Mauris recepit.

10 Petrus III, 1276, regnavit an. 9, Sicilia Rex factus.

11 Alphonfus III, 1286, an. 6.

12 Iacobus II, 1292, an. 35.

13 Alphonfus IV, 1327, an. 8.

14 Petrus IV, Alphonfi IV ex Tyresia Guilielmi Dantensii F. Iacobi II N. Obiit 1387. Vxor Leonora, Petri Siculorum Regis F. ordine tertia.

15 Ioannes I, obiit 1391. Vxor Violanta Ducis Ebaris F.

16 Martinus, frater Ioannis, obiit 1410. Vxor Maria, Lunæ Comitissæ F.

17 Ferdinandus Honestus dictus, frater Henrici R. Castellæ, obiit 1416.

18 Alphonfus V, Magnanimus, Ferdinandi F. Primus Arragonum Rex Neapolitanus factus, obiit 1458.

19 Ioannes Navarra Rex, frater Alphonfi, obiit 1478.

20 Ferdinandus V, Ioannis F. Catholicus cognomine, obiit 1516. uxor Isabella Castellæ & Legionis Regina.

21 Ioanna Aragoniæ &c. Regina, obiit 1555, Nupsit Philippo Austriaco, Burgundiæ Duci, Belgarum Principi.

22 Karolus V Imper. obiit 1558. uxor Isabella Lusitana.

23 Philippus II, obiit 1598. uxor Anna Austriaca.

24 Philippus III, obiit 1621. uxor Margareta Austriaca.

25 Philippus IV, uxor Elisabeth Borbonia, hodie regnat.